

Inatsisartut Suleriaasianni § 37 naapertorlugu apeqquteqaatit imaattut matumuuna Naalakkersuisunut saqqummiutissavakka:

**Apeqqutit:**

- 1. Naalakkersuisunit misissorneqarsimanerluni Mittarfeqarfiit Narsarsuarmi aamma-/immaqaluunniit Mittarfeqarfiit Narsarsuup akunnittarfiani pisortatut aqutsisutut inissimasut ilaquttatut qanigisat atorfinitsinneqarnerinut soqutigisat akuliussimangersut?**
- 2. Taamattoqanngippat: Naalakkersuisut misissuisoqarnissamik aallartitsinissamut pilersaaruteqarpat?**
- 3. Naalakkersuisunit nalilerneqarpa Narsarsuup akunnittarfiata (Hotel Narsarsuaq) naatsorsuutai kingulliit kukkunerisiorneqarsimasut ima sukumiitigisumik suliarineqarsimasut, qulakkeerlugu paasineqarluni naatsorsuutitigut pissusissaanngitsumik iliuseqartoqarsimanngitsoq?**

(Inatsisartuni ilaasortaq Suka K. Frederiksen, Siumut)

**Tunggavilersuutit:**

Qanittumi Narsarsuarmi paasitinneqarpunga tusatsiakkat aqqutigalugit Narsarsuarmi Mittarfeqarfiup akunnittarfiani ingerlatsinikkut pissusissaanngitsumik pisoqartarsimasinnaasoq. Tusatsiakkat ilagaat arlalitsigut ilaquttanik qanigisanik atorfinitsitsiqartarsimasoq.

Soorunami ilisimaarivara tusatsiakkatigut tusakkat ilaatigut paatsuinernit, ilimagisatigut imaluunniit ilisimasat naammangitsut tunggavigalugit taamatut ingerlaartoqarsinnaasoq.

Taamaakkaluortoq isumaqarpunga tusatsiakkat ingerlaavartumik ingerlaartuarpata pingaaruteqarlunnartoq tunggavissaqarnerisut misissuisoqarnissaat. Tamanna pingaaruteqarpoq Mittarfeqarfiit minnerunngitsumillu Naalakkersuisut tatiginassusaat/tutsuiginassusaallu pineqartillugit. Tusatsiakkat tunggavissaqanngippata nipangiunneqartariaqarput, tunggavissaqarpatali iliuseqarluni akuliuttoqartariaqarpat.

Mittarfeqarfiit tassaapput pisortanit aqutsiveqarfittut ingerlatsiviusut. Pisortat ingerlatsiviit assigalugit ingerlatsisussat, soorlutaaq pisortat pigisaani aqutsinissamut malititsinissamut pisussaafefartut assersuutigalugu attuumassuteqarpallaarneq qanigisallu atortinitsinneqartarneri pillugit.